

六禮
齊
匠
書

十六
傳
心
錄

二
仲
仲
堂

痘疹傳心錄卷之十八

附慈幼心傳

瘦樵程永培校

脾胃

夫人以脾胃為主胃屬陽主氣脾屬陰主血胃受
納脾司運化胃為水穀之游飲食入胃脾亦化生精
氣津液上升糟粕下降斯無悞矣至於小兒尤賴胃
氣而生若乳食失節則脾胃受傷胃傷則不能納脾
傷則不能化脾胃俱傷納化皆難而臟腑俱失所養
則病生矣故諸病先觀胃氣人身氣血臟腑百骸皆
由胃氣而生也又云有胃氣則生無胃氣則死故東

原书缺页

原书缺页

胡甘寒之藥而瀉止但口渴面色青白此脾胃不足用小異攻散加升麻柴胡而愈

不寐多困

小兒不寐皆由胃氣不和血氣不從故不寐之症生矣治用六君子加遠志酸棗仁又歸脾湯肝腎虛熱者用六味丸心血不足振悸不得眠者真珠母丸精神短乏者人參安神丸膽虛者人參竹葉湯肝火不寧者加味小柴胡湯病後餘熱者當辨虛實治之有因他症不寐各當詳之又多睡者皆由脾氣虛弱健運之令不行而嗜卧也治當溫補其脾脾氣旺則

臟腑清陽之氣升舉易於運行何困倦之有治用四
君子加木香半夏白朮倍之若脾倦多驚者乃心血
虛而火動也治宜安神養血為主若心脾氣虛有痰
者用人參麥冬五味茯苓以補心氣當歸芍藥酸棗
仁以養心血橘紅半夏以開痰若脾肺氣虛有痰者
用補中益氣湯又膽星天竺九若飲食停滯而然者
四君子湯加山查麥芽神麩若脾虛好睡用歸芍六
君子湯若乳母飲酒致兒昏睡者用乾葛陳皮解之
不應四君子加葛根子母並服

人參竹葉湯

不寐多則

卷十八

不寐多則

三

脩敬堂

人參 竹葉 甘草 半夏

小麥 麥冬 粳米 生薑

水煎服

加味小柴胡湯

即小柴胡湯加山梔升皮

膽星天竺九

膽星 一兩 半夏 白附 各五錢 天竺黃 三錢

天麻 防風 各二錢 辰砂 一錢

右為味甘草膏九芡實大每一丸薄荷湯化下

人參安神丸

人參 一錢 當歸 三錢 麥冬 三錢 黃連 二錢

生地 三錢 硃砂 二錢 茯神 二錢 棗仁 二錢

右為末猪心血丸如茨實大硃砂為衣燈心湯化

下

腫脹

小兒腫脹未有不因飲食內傷脾胃虧損而致者其
症有二曰氣腫曰水腫氣腫者由脾胃虛弱脾主肌
肉肺主皮膚土弱不能生金致虛氣上攻於肺行於
面目遍身浮腫也治法調脾行氣為主五子五皮飲
水腫者因土焦煩渴引飲而脾虛不能約制其水水

豆參專心錄 卷一 人腫脹 四 齊效堂

反侮土土隨水行上衝於肺流走於脾膚而光腫也
治法實脾利水爲主胃苓湯至於喘脹兩條須分先
後節齋曰先喘而後脹主於肺先脹而後喘主於脾
蓋小便之行由肺氣降下而輪化也若肺受邪而喘
則失降下之令故小便短澀以致水溢皮膚而腫滿
矣此喘爲本而脹爲標也治宜清金降氣而行水兼
之脾土惡濕土能尅水若脾土受傷不能制水水既
上溢則邪反侵肺氣不能降而生喘矣此脹爲本而
喘爲標也治宜實脾行水而清金兼之苟肺病而用
燥脾之藥則金得燥而喘愈加脾病而用清金之藥

則脾得寒而脹益甚近世治喘脹但知實脾行水而不知分別脾肺二經悞矣又有脾胃虛弱濕熱積而爲腫者用瀉黃散胃苓湯又有瀉後痢後瘧後痘後諸病後脾虛發腫者宜調補脾胃爲主六君子湯補中益氣湯又有脾腎虛寒不能司攝而水泛行如蠱脹者用加減腎氣丸補命門火以生脾土間服六君子湯又有遍身膿瘡發腫治宜先去濕熱次用敗毒散以解表邪。或問曰小兒水腫俗云河簡用草藥煎洗又用雞子清口含吸臍并手足指頭前後心而愈者何也曰此內症已平但表受水溢浴洗則肌暢

肌暢則微汗邪可散而愈也若內症不平浴洗雖愈未幾必復腫矣

一兒遍身光腫余審其能食便調身熱脉浮謂曰內症平和此水氣在表宜解散之用敗毒散去人參加紫蘇陳皮令汗出自漸消而愈總之斯症當辨經絡虛實標本先後而治不可拘泥

一兒瘧後遍身浮腫咸謂脾虛用六君子湯加芫連芍藥木通腹皮鱉甲澤瀉木香煨薑不効發熱煩渴或謂土燥而又進以燥劑面目浮腫愈甚宜苦寒之劑潤之用芍藥花粉知母黃連柴胡生地茯

入苓木通漸愈

草藥方 浴洗水腫

河籬草 車前子 野紅花根 芭蕉葉

枇杷葉 枸橘葉 各一把 煎湯浴洗

稠柳餅 治水腫

稠柳子 梗葉似柳七八月採子晒乾

右為末每用一兩大米粉和作餅蒸熟食之溺利

腫消愈

腹痛

小兒腹痛有飲食停滯而脹痛有積滯作痛有蟲痛

壹參專心錄 卷一 八 腹痛 六

有火痛有寒痛有虛痛有腸胃中生瘧毒而痛有盤腸內弔痛不可不辨。飲食停滯而痛者皆由飲食不節或過餐堅硬之物脾弱不易尅化而腹脹痛也。其候按之堅痛身熱惡食治宜消化之劑香砂丸消導二陳湯甚則以遇仙丹烏犀丸下之。積痛者皆由飲食自倍脾虛不運停滯中脘久而成積腹痛欲便便下膿臭便後痛減或閉澀其症面色痿黃身熱不思乳食足冷嗜卧治宜遇仙丹下之下後以小異攻散和之若成癖痞治見癖條。蟲痛者有虵虫長尺許或五六寸居胃脘之間動則吐清涎撲身啼哭

面黃唇白時痛時止治宜安虫飲烏梅丸又寸白虫
居腸胃之間動則傷人精氣又有一虫形若細絲或
飲食中誤吞虫髮所變亦居胃中動則腹中刺痛不
可忍皆由恣食肥甘煎燻濕熱鬱遏所致並用史君
子丸又有血驚動則刺心而痛面黃肌瘦能食皆由
過食堅硬之物不化爲血裹成形漸大而活久則殺
人治宜追虫取積散下之。火痛者口中氣溫面赤
壯熱飲冷治用瀉黃散利之。寒痛者口氣冷不思
飲食嘔逆泄瀉此寒水侮土也治用六君子加炮薑
肉桂甚則加附子。虛痛者消導後其腹尙痛按之

不痛是也治用小異攻散補之若痛連兩脇乃肝木乘脾也用四君子加柴胡芍藥主之。腸胃中生瘧毒而痛者皆由脾虛積熱氣血凝滯所致方論見外科條。盤腸內疝痛論見前本條。

一女子十五歲胃脘痛甚則號哭嘔吐清涎或半月或月餘而發患此數年醫藥不効余用張又古文錢文三分同好核桃肉半個油核桃肉半個同研爛好酒調下其痛反甚痛漸行下至小腹便行一二次即愈此芝田先生傳也若氣鬱食滯而發者用傳心錄內治心氣痛藥一服利下即愈此僧徹

空傳也

一兒歲餘號哭不已醫藥不効余謂色脈俱好審其
仰身則哭甚合身稍止活幼曰若嬰兒色脈俱好
而病者必有他故細揣背上微紅腫以手按之大
哭用針撥開摘出乃竹刺也痛定即安

追蟲取積散 治虫積

牽牛 二兩 雷丸 一兩 木香 五錢 蕪荑 五錢

蓬朮 五錢 錫灰 五錢 大黃 一兩 史君子 五錢

檳榔 一兩 乾漆 五錢

右為末每用一錢好酒調下或麪糊丸麻子大天

明猪肉湯送下大小加減

烏梅丸 治虵虫動痛

烏梅三十箇 細辛 桂枝 黃柏

乾薑 黃連各一錢 當歸 蜀椒

右為末酒浸烏梅一宿去核蒸之用米飯搗和丸
桐子大每用二十九空心白滾湯送下

諸熱

經曰陽勝則外熱陽虛則外寒陰勝則內寒陰虛則
內熱陰陽相勝則寒熱往來又曰陽不足則先寒後
熱陰不足則先熱後寒陰陽不歸其分則寒熱交爭

也發熱治法宜辨所因有因外感風寒而熱者有感
疫毒之氣而熱者有中暑而熱者有注夏而熱者有
感濕而熱者有驚風而熱者有飲食停滯不化而熱
者有疳積而熱者有五臟之熱有氣虛發熱有血虛
發熱有潮熱有骨蒸熱有表熱有裏熱有痘疹發熱
有諸病後發熱有瘡瘍發熱有變蒸發熱。傷風而
熱者頭疼鼻塞聲重喘嗽痰涎惡風手背熱治宜芎
蘇散表散之。傷寒而熱者初發頭疼目痛身體拘
急耳聾脇痛惡寒發熱治宜麻黃桂枝湯表之。瘦
厲而熱者皆由元氣不足感乖疹之氣治宜正氣散

敗毒散十神湯五瘟丹截瘧丹方見十五卷。中暑而熱者長夏濕熱之令人感之則四肢困倦精神短少胸滿氣促乳食不思身熱頭疼自汗煩渴經曰靜而得之爲中暑動而得之爲中熱中暑者用清暑益氣湯中熱者黃連香薷飲十味香薷飲夾食者本方加消導藥暑瀉六和湯益元散。注夏而熱者皆由脾胃不足遇長夏潤溽之令則不能升舉清陽健運中氣又少陽相火之時熱傷元氣則肢體怠惰四肢痿弱嗜卧發熱精神疲倦飲食少思口中無味小便赤澀大便不調名曰注夏皆由稟元氣不足而然也

治宜補中益氣湯去升麻加炒黑黃柏麥冬又生豚
散王之。感濕而熱者經曰諸濕腫滿皆屬脾土夫
濕之爲病有從外感而得者或處卑濕之地而得者
或途遇風雨而得者或汗濕沾衣而得者或恣飲酒
漿醴酪而得者或多食柑橘瓜菓之類而得者治宜
滲濕湯茵陳五苓散羌活勝濕湯又曰濕在上宜微
汗之在下宜利小便使上下分消其濕自除也故曰
治濕不利小便非其治也。驚風而熱者論見驚風
條。飲食停滯而熱者論見傷食條。疳積而熱者
論見疳症條。五臟之熱者心肝脾肺腎也心熱者

額赤心煩手心熱或壯熱飲水噦惡巳午時益甚導
赤散肝熱者左頰赤便難轉筋尋衣捨物多怒多驚
寅卯時益甚瀉肝散脾熱者鼻赤倦怠嗜卧身熱飲
水過夜益甚瀉黃散肺熱者右頰赤手指眉目喘咳
日酉熱甚瀉白散腎熱者頰赤足熱甚骨蒸如蟲蝕
夜間益甚六味地黃丸。氣虛發熱者氣短不續面
色青白自汗乳食少思手足指冷午前熱甚治宜小
異攻散補中益氣湯。血虛發熱者發熱惡寒兩頰
赤色唇口鮮紅四肢無力午後熱甚治宜四物湯又
地黃丸滋肝腎。骨蒸熱者身體虛羸遇晚發熱微

汗方止用補中益氣湯加地骨皮青蒿鱉甲又六味
地黃丸主之。潮熱者如潮水之應期而至也有風
寒疝積食痞之分陰陽虛實五臟之異各當詳辨。
表熱者陽盛則外熱以手輕捫之則熱重按之不熱
此皮膚血脉之熱熱在表也壯熱惡風寒爲元氣不
足表虛熱也壯熱不惡風寒爲外邪客表表之實熱
也。裏熱者以手按之筋骨分則熱輕手則不熱此
筋骨之熱熱在裏也壯熱煩渴飲水溺赤便結裏實
熱也壯熱飲水溺數裏虛寒也。痘疹發熱者呵欠
悶瞤時發驚悸乍涼乍熱兩腮頰赤目淚汪汪噴嚏

昏睡嘔噦搐搦耳聾俱冷也。○諸病後發熱者當辨虛實經絡而治之。○瘡瘍發熱者論見本條。○又有乳母七情厚味飲食停滯遺熱於兒而發熱者或小兒恣食肥甘或衣衾過暖或頻浴熱湯積熱於內而發熱者各當詳之乳下嬰兒當兼治其母又小兒未斷乳母復有孕兒飲其乳肌肉羸瘦髮黃壯熱大便不調名曰魃病又曰繼病令兒斷乳用消乳丸導之小異攻散補之又有變蒸之熱輕則發熱微汗其狀如驚重則壯熱吐瀉煩渴啼哭此變蒸也不須用藥。○凡治諸熱宜用溫平之藥和其裏則體熱自除但

不可用大寒之劑攻之熱退則寒起變為他症慎之
一兒感時氣身熱用發散之劑而熱不退余用甘草
芍藥黃芩黃連防風知母花粉元參而愈
滲濕湯

黃芩

黃連

山梔

防己

白朮

蒼朮

青皮

陳皮

赤茯苓

澤瀉

茵陳

猪苓

水煎服

羌活勝濕湯

羌活

獨活

防風

川芎

藁木

甘草

黃柏

蔓荊子

蒼朮

水煎服

瘧病

諸瘧項強皆屬於濕諸暴強直皆屬於風瘧之爲病
濕爲本風爲標然小兒瘧病多因驚駭停食或乳母
六淫七情飲食失宜所致更當審之兼治其母若面
目赤色無汗惡寒牙關緊急肢體反張一身強硬痰
涎壅甚小便赤澀終日不甦先譫語而發者名剛瘧
風性剛急故也若大便滑泄不語不渴有汗不惡寒
先四肢厥冷而發者名柔瘧濕性柔和故也並以小

續命湯剛瘧去附子柔瘧去麻黃若壯熱譫語口渴
手足微冷大便溏泄此兼剛柔如無汗用葛根湯有
汗用桂枝加葛根湯若痰壅氣盛用南星半夏茯苓
以清痰枳實陳皮紫蘇以順氣熱輕者用敗毒散熱
盛者用小柴胡湯剛瘧內熱便秘用大承氣湯下之
大柴胡湯解之柔瘧用附子理中湯溫之六君子湯
補中益氣湯補之若延綿則難治也又有大病後筋
脈攣急而爲角弓反張此血脫無以養筋不可作風
治宜用黃耆當歸煎亦用四物湯加附子防風羌活
小續命湯

麻黃 人參 黃芩 川芎

芍藥 甘草 杏仁 防己

官桂 防風 附子 水煎服

敗毒散

柴胡 前胡 川芎 枳殼

羌活 獨活 茯苓 桔梗

人參 甘草 生薑 水煎服

葛根湯 治剛柔痙無汗惡寒

葛根 麻黃 赤芍 豆豉

葱白

水煎服或加羌活防風

桂枝加葛根湯 剛柔有汗

葛根

赤芍

甘草

桂枝

水煎服或加羌活防風

諸血

經曰肺朝百脉之氣肝通諸經之血又曰氣主煦之
血主濡之蓋榮血者水穀之精氣也灌溉臟腑調和
百脉若脾胃有傷榮衛虛弱行失常道故血妄行從
胃上溢爲吐血從肺上溢爲衄血又吐咯血者出於
腎也咳嗽血者出於肺也降下則便血溺血未有不

壹參專心錄 卷一 八 諸血 百 齊效堂

因熱而得也然小兒或稟賦積熱或乳母六淫七情
厚味積熱傳兒或兒恣食肥甘煎燂積熱而致或感
殄厲之氣而血滲溢所致或若重閣暖閣火氣薰逼
不令常見風日積溫成熱所致治法若氣虛者用四
君子補之氣血兩虛者用四物加參朮腎虛者六味
地黃丸肺胃熱者犀角地黃丸黃連解毒湯衄血者
此脾胃傳熱於肺而不能統也宜用六君子加甘桔
當歸山梔黃芩吐血者胃中積熱也麥門冬飲清胃
湯犀角地黃丸若血去多煩燥脈洪大按之如絲尋
衣撮空無氣以動乃血脫也經云血脫益氣宜用加

減八味丸又獨參湯加附子便血者糞前見血爲近
血乃大腸積熱也用黃連解毒湯加炒槐花糞後見
血者爲遠血乃胃中積熱用清胃湯久不止者用補
中益氣湯加黃連瀉血者如實熱用清心蓮子飲虛
熱用六味地黃丸若稟父腎燥者用六味地黃丸乳
母積熱者用加味清胃散鬱怒者加味小柴胡湯憂
思者加味歸脾湯俱加漏蘆子母並服。凡治失血
當審氣血虛實病因隨經施治不可見其血盛以爲
熱劇過投涼藥使血受寒不能歸源而妄流其色紫
黯而凝滯也

一兒痢後脾虛糞後有血久不愈用小異攻散加柴胡升麻黃連愈

一兒十五歲便血身熱謂腸風下血用生地芍藥丹

皮荆芥苦參黃連條芩十劑愈

麥門冬飲治吐血久不愈

五味

麥冬

黃耆

當歸

人參

生地

水煎服

清心蓮子飲

黃芩

麥冬

骨皮

車前子

甘草

茯苓

黃耆

石蓮肉

人參

柴胡

水煎服

歸脾湯

治脾虛健忘驚悸憂思

人參

茯神

龍眼肉

黃耆

棗仁

白朮

當歸

遠志

木香

甘草

生薑

紅棗

水煎服

汗

夫汗者心之液內經主於心東垣主於胃蓋心為君火主熱胃為中土主濕濕熱相搏為汗明矣其自汗者無時而出動則為息屬陽虛胃氣之所司也盜汗

者寢中通身如浴覺而方知屬陰虛榮血之所主也
自汗宜補陽調衛補中益氣湯加麻黃根浮小麥門
冬盜汗宜補陰降火四物湯加黃耆小麥黃連蓋小
兒氣血未充膚腠未密若厚衣溫暖薰蒸臟腑而生
熱熱搏於心爲邪所勝故液不能內藏薰出肌膚則
爲盜汗也又有傷於冷熱冷熱交爭陰陽不順亦令
睡中汗出其間有虛有實不可不辨。又有脾虛泄
瀉自汗身冷而出有時遇瀉則無瀉過則汗此症大
虛治宜六君子湯附子理中湯主之。有肺虛自汗
因久嗽肺氣虛上壅而汗出治宜補肺調脾爲主。

有慢驚自汗其冷如冰最爲惡候治同慢驚。有客
冒風寒發熱汗出治見傷風條。有因傷風醫過表
散致表虛自汗者宜保元湯主之

黃疸

內經曰諸濕腫滿皆屬脾土又曰黃色屬脾蓋小兒
黃疸皆由飲食所傷又濕熱之氣蘊積於脾胃蒸發
而成也其候而目指爪小便徧身着物皆黃是也治
宜去脾家濕熱積滯丑補散遇仙丹之類濕甚者茵
陳湯利之又有爪目不黃而徧身皆黃溺赤者乃脾
濕勝而爲之黃病治宜瀉黃散等主之。有病後脾

虛發黃肢體浮腫者宜六君子湯加茵陳主之

茯苓滲濕湯 治小兒食疳

四苓散合平胃散加黃連山梔仁茵陳山查麥

芽枳殼

茵陳湯 治黃疸

茵陳 山梔 大黃 水煎服

瀉黃散 治脾經濕熱

黃連 茵陳 黃柏 黃芩

赤苓 山梔 澤瀉 水煎服

朴硝膏 治小兒大人黃疸

用朴硝四茶匙以雞子一箇攪勻用井水和勻
草藥方 治大人小兒黃疸

地蜈蚣草

四兩連根

掛山龍草

四兩連根

右剉川白酒連瓶煮熟空心服

小棗丸 治大人小兒黃疸

厚朴

四兩

蒼朮

八兩

陳皮

四兩

甘草

二兩

綠礬

四兩透明者以黃米粉四合同炒乾

右爲末棗肉丸如桐子大每用五十九空心清米

湯送下

惡核瘰癧

皆由風熱毒氣所干與氣血相搏鬱結成核如貫珠於耳項之間不消不潰若復客風熱搏於津液則潰化濃血此屬肝膽二經部分治宜滋腎水清肝火皂角子丸柴胡清肝散若因疔積所致用疔積散六味肥兒丸若脾虛而肝木乘之面色青白用小異攻散加蕪荑柴胡川芎白芍若潰而不斂乃氣血虛也用益氣養榮湯外用松香海鯨鯊爲末香油調搽

皂角子丸

治肝膽風熱瘰癧

皂角仁

二兩

連翹

八錢

當歸

柴胡

白芍藥

山梔

川芎

膽星

紫背天葵

各一兩

龍膽草

甘草

枳梗

各四錢

右為末米糊丸小豆大每用一錢白湯送下

皂角膏 貼惡核

大皂莢

去子燒存性八錢

糯米

一合炒

草烏

乾薑

赤芍

各一兩

南星

二兩

右為末葱酒調塗日易二次

益氣養榮湯

治潰而不斂

參朮四物湯加柴胡貝母黃耆銀花桔梗皂角

刺夏枯草水煎服

時毒

小兒時毒因感四時不正之氣致頭面耳項赤腫寒熱頭疼狀如傷寒若邪在表用葛根甘草赤芍升麻牛蒡羌活柴胡防風荆芥薄荷邪在裏用大黃山梔牛蒡枳殼鬱金升麻或用防風通聖散

耳聾

腎通竅於耳由風邪乘於手太陽邪隨其經入於耳內邪正相搏氣停寒滯不能聽於聲者也用通鳴散菖蒲丸又有稟腎氣不足或大病後而耳聾者用六

味地黃丸加黃柏知母枸杞

通鳴散

菖蒲

遠志

各一兩

柴胡

麥冬

防風

各五錢

細辛

葶藶

各二錢

杏仁

十四粒

磁石

一分

右為末每用五分食後葱白湯調下

菖蒲丸

菖蒲

二錢

巴豆

右研為劑分作七丸每用一九川綿裹塞耳內一

日一易

耳內出膿

枯礬

海鱧鮓

各一錢

麝香

少許

共為末先以綿然條子撮耳中膿盡摻藥入耳內

齒病

小兒齒病者由風熱邪毒干於手足陽明二經隨經入於齒齦則宜爛臭氣有血或恣食肥甘辛熱而致用清胃湯加石膏又甘露飲又用大皂角一條羊脛骨一具並以火煨烟盡以盆覆之候冷為末如常揩牙又方用肥皂一箇去子滿填搥在內炭火燒烟盡放冷為末搯患處有涎吐出

甘露飲

生地

天冬

麥冬

枇杷葉

枳殼

黃芩

石斛

茵陳草

水煎服

固齒方

七月取旱蓮草連根一筋用無灰酒洗淨用青
 塩四兩食塩一兩醃三宿晒乾將無油鍋內
 炒存性把厚汁漸傾入炒乾爲末擦牙嚥下
 亦妙

口疳瘡

皆由胎中受熱或恣食肥甘炙燻積溫成熱熱客心
脾薰逼上焦而成口瘡或疔生走馬甚致齒齲黑爛
腮頰穿破治法先去積熱用導赤散合清胃散消毒
飲牛黃散中白散若乳母味厚七情致兒爲患者用
加味清胃散加味逍遙散俱加漏蘆母子俱服又瘡
生於口兩角開口則裂痛此脾家積熱也用當歸散
又因滯頤涎從口出浸漬頤頰口角生瘡用桑根皮
汁塗之又殺羊角燒灰臘猪油調塗又因膀胱移熱
于小腸膈腸不便上爲口糜潰爛用涼膈散牛黃散
四順清涼飲

消毒飲

當歸

川芎

生地

赤芍

連翹

山梔

黃連

甘草

水煎服

涼膈散

大黃

朴硝

甘草

山梔

連翹

黃芩

薄荷

竹葉

水煎服

牛黃散

兼治痘疹後口瘡

黃牛糞後尖晒乾地上堆定作屋狀以燈點著

燒至欲過存性盆子合定令作黑灰勿令白研

為末二錢牛黃二錢黃柏末二錢共和勻為末敷之

解顛

解顛者兒生下顛大頭縫不合如開解腎主骨而腦為髓海腎氣有虧則腦水不足故不合也故曰人乏腦髓如木無根不遠干日終為廢人此乃無辜之疾治之何益錢氏用六味地黃丸調元散仍用南星末調傅以緋帛焙熱貼之

調元散

人參

茯苓

山藥

白朮

白芍

地黃

當歸

川芎

甘草

水煎服

顛填

顛填者顛門腫起也由乳哺不節飢飽失時或寒熱乘於脾胃致臟腑不調其積熱氣上冲于腦故填脹顛突而高如物填其上也治宜大連翹飲又封顛散掩之

顛陷

顛陷如坑者由病久氣血虛弱不能上充於腦髓也治宜固真湯又狗骨炙為末雞子清調敷之

天柱骨倒

天柱骨倒乃項軟也由真氣虛弱客邪侵襲風府傳於筋骨則項軟垂下而無力也治宜祛風散調元散又地黃丸加鹿茸牛膝又附子南星等分爲末薑汁調貼患處

祛風散

防風

川芎

白芷

黃芩

細辛

甘草

羌活

薄荷

當歸

水煎服

五軟

五軟者頭軟手軟肌肉軟脚軟口軟是也皆由胎氣不固生下精髓不充又爲六淫所襲而爲之也○頭項軟者腎主骨腎虛所致也或因吐瀉久脾弱而得者補脾胃爲主六君子湯加肉桂炮薑風邪侵襲者祛風爲主○手軟者兩手筋縮不能舒伸無力以動也宜薏苡仁當歸秦芫酸棗仁防風羌活荆芥等分爲末蜜丸芡實大白湯化下○脚軟者骨髓不滿氣血不充筋弱不能束骨而行遲也宜地黃丸加牛膝五加皮鹿茸虎脛骨爲主○身軟者肉少皮寬飲食不爲肌膚也宜補脾胃爲主○口軟者心神不足則

舌本不通而不能言語也宜人參石菖蒲麥冬遠志
川芎當歸各二錢乳香硃砂各一錢爲末蜜丸米湯
化下又有稟氣不足則髓不能充骨而齒不生者宜
補腎丸又十全大補湯加知母黃柏主之

五硬

仰頭取氣動搖難氣壅疼連胸膈間脚手心如冰冷
硬斯爲風客命難還 又曰肚大青筋急不寬積氣
消除便即安只恐面青心腹硬縱投羌活散難痊

龜胸

此症皆由客感風熱凝泣爲痰停滯心胸咳嗽喘促

肺氣脹滿攻於胸膈而漸成龜胸治宜寬氣化痰爲主或乳母過食辛辣或夏哺熱乳亦成斯症

龜背

此症皆由小兒失於護背客風吹背傳入於髓故背突如龜殼之狀或強令坐早或咳嗽久肺虛腎無生氣腎主骨風寒乘虛而入於筋骨其邪凝滯精血不能流通故背骨凸出而跣治法先驅風健脾兼滋陰壯水爲主得肺氣足而生水精髓固而流通則愈終不能脫然如故

重舌木舌

重舌者近舌根生形如舌而小也木舌者其舌腫硬
漸漸粗大塞滿於口皆心脾極熱而然也用朴硝紫
雪白塩全研每半錢竹瀝井水調敷

重腭重齦

重腭者口中上腭薄皮腫起如囊盛水○重齦者牙
床腫起如核是也以針刺破去血用蒲黃敷之

滯頤

滯頤者涎流出而漬於頤間也脾之液爲涎脾胃虛
冷不能收制其津液故流出於頤也溫脾丹主之

溫脾丹

半夏

丁香

木香

各五錢

乾薑

白朮

陳皮

各二錢五分

右為末糊丸黍米大一歲兒十九米湯送下

鶴膝

此候稟受腎氣不足血氣不充故肌肉瘦瘠兩腿細小其膝腫大伸屈艱難如鶴之狀故曰腎虛則精髓內耗膚革不榮易為邪氣所襲治宜驅風散又地黃丸加牛膝鹿茸主之又有瀉痢久而為是症焮腫紅赤作痛成膿以補中益氣湯固脾土為主愈又有腫硬不痛色白者不治也

痘疹專心錄 卷十八 重訂 濕瀉 鶴膝

便濁

白濁者尿白如米泔狀也。因乳哺不節致傷脾胃故
清白不分而溺白也。久則成疴。治宜人參甘草當歸
木通豬苓赤芍赤茯苓青皮川草薺主之。如赤濁者
心熱下流滲入於泡。治用生地黃小薊木通山梔赤
芍滑石甘草黃柏淡竹葉赤茯苓車前草藥水煎服。
○有脾虛食積濕熱下注而小便如泔者。醒脾丸主
之。又四味肥兒丸。

遺尿

腎主水與膀胱為表裏。經曰膀胱者州都之官津液

藏焉腎與膀胱之氣虛寒不能約制津液故睡中遺出或常常遺出不覺內經謂膀胱不約為遺溺用破故子散雞腸散若脾肺氣虛者用補中益氣湯加破故子山茱萸若稟父腎與膀胱虛者用六味地黃丸破故子散

破故子為末每用一錢白湯調下

雞腸散

雞腸草

一兩 牡蠣 三錢

龍骨

肉桂

桑螵蛸

茯苓

各五錢

水煎服

諸淋

淋者腎與膀胱熱也二經相爲表裏俱主水道水入小腸下行於胞則爲溺若膀胱熱則津液內涸水道不通則小便淋漓小腹引臍連莖中痛也夫淋有五沙淋者腎主水水爲熱結化爲砂石內塞水道痛引膀胱沙出痛止用五淋散氣淋者肺氣壅熱小腹脹滿小便澁滯而痛宜清肺爲主血淋者心熱血散失其常道滲溢入胞五淋散加小蘗滑石車前子寒淋者膀胱氣冷與正氣交爭寒氣勝發寒戰而後溺入味丸正勝則寒戰解而溺溺出少澁小腹連莖中痛甚者溺白如膏一名膏淋六味肥兒丸若因乳母情

慾厚味積熱傳兒爲患者用柴胡梔子散柴胡清肝散加味清胃散若稟腎熱爲患者先用五淋散又滋腎丸地黄丸又心熱者用清心蓮子飲腎熱者六味地黃丸肝熱者柴胡梔子散脾熱者瀉黃散脾虛者小異攻散脾氣下陷補中益氣湯肺實熱者瀉白散肺虛熱者小異攻散加炒黑山梔此五臟蓄熱所致而治也甚不可輕用寒涼之藥以損胃氣

柴胡梔子散

柴胡

山梔

丹皮

茯苓

川芎

芍藥

當歸

牛蒡

柴胡清肝散

甘草
水煎子母並服

柴胡

黃芩

膽草

川芎

芍藥

山梔

連翹

甘草

漏蘆

水煎服

加味逍遙散

當歸

甘草

芍藥

茯苓

白朮

柴胡

丹皮

梔子

漏蘆

水煎服

加味清胃散

升麻

生地

丹皮

黃連

當歸

柴胡

山梔

水煎服

五淋散

赤茯苓

赤芍

當歸

甘草

山梔子

燈心

水煎服

瀉黃散

藿香

甘草

山梔

石膏

防風

水煎服

茯苓散

治小兒白濁

三稜

蓬朮

砂仁

赤苓

錢谷五

豈麥傳心錄

卷十八

諸淋

完

各散堂

青皮

陳皮

滑石

甘草

各一分

右為末每用一錢燈心湯調下

君朴散

治白濁久則黃瘦不長肌肉

史君子

厚朴

黃連

各一兩

木香

三錢

右為末每用一錢米湯下

大便不通

小兒大便不通乃肺與大腸有熱熱則津液少而便秘用四順清涼飲又潤燥丸潤字丸若積滯不通者遇仙丹血虛燥熱不通者和子仁膏若乳母情慾鬱火或厚味積熱傳兒為患者用加味清胃湯加味逍

遙散子母並服若稟賦怯弱而便難者用六味地黃丸

柏子仁膏 治大便不通

柏子仁

松子仁

胡桃仁

各等分

右研膏如彈子大白湯化下

通聖餅 治大便小便不通

黃連末

一錢

巴豆

五粒

獨郎蒜

一顆

鹽 五分

皂角末

一錢

右研爛捻餅子寸半闊貼臍上立通

又方

豈參專心錄 卷十一 大便不通

三 各收堂

用桐油子大便不通酒磨大頭小便不通酒磨
小頭酒化下卽通

小便不通

小便不通由肺燥熱不能生水治當清肺中之熱而
滋水之化源用黃芩黃連天花粉知母麥冬茯苓木
通甘草若脾濕氣不升治當健脾土而生肺金治先
瀉黃散又六君子湯若膀胱有濕澁其流用金沙散
木通散五苓散加木通車前子若脾胃氣虛不能通
調水道者補中益氣湯加肉桂若稟腎虛陰燥者六
味地黃丸若乳母厚味積熱者加味清胃湯子母並

服一兒脾虛痞滿小便不通用白朮澤瀉人參茯苓
滑石愈

一兒小便赤澀煩躁睡臥不寧謂心經壅熱用導赤
散加黃芩麥冬赤茯苓竹葉煎服愈

一兒十五歲怔忡夢泄面白肌瘦用補中益氣湯加
麥冬遠志黃柏又六味地黃丸料加黃柏牡蠣間
又服佛座鬚丸漸愈

郁李仁膏

郁李仁一兩 研 滑石一兩 研 大黃一兩 炒爲末

右和研丸黍米大每用二十丸薄荷湯下

小便不通

脊放堂

木通散 治小便不通

木通 滑石 牽牛 燈心

葱白 水煎服

金沙散 治小便淋瀝不通

鬱金 海金沙 滑石 甘草

燈心 地膚子 木通 水煎服

又方 治小便不通

麝香 一分 葱白頭 馬蘭頭 食鹽

右藥用田螺肉同搗爛作餅貼臍中即通

治小兒小便腫脹

用蚯蚓糞爲末煎甘草汁調塗上

又方

用人屎或狗屎燒灰存性爲末香油調塗

佛座鬚丸 專治夢遺

茯苓 一兩 黃柏 四兩 砂仁 遠志

猪苓 茱萸肉 蓮鬚 兔絲子 各七錢

甘草 八錢

右爲末山藥糊丸梧子大每用三錢空心白湯下

諸瘡

小兒瘡疥由乳食失節或早嗜肥甘煎燂或外感六

淫臟腑積熱或乳母厚味辛辣七情內火所致當分
表裏虛實標本調其氣血平其所勝切不可用寒涼
化毒之劑有傷真氣嬰兒當兼治乳母爲上若徧身
肥瘡脹痛膿水淋漓肢體虛浮此脾肺濕熱也用瀉
黃散四順清涼飲水銀膏若瘡疥乾癢爬搔不寧此
風熱與血熱相搏用柴胡清肝飲當歸和血飲大風
子膏又頭瘡常有膿血濕汁經歲不愈用松香苦參
黃連各五錢大黃胡粉水銀枯礬蛇床子各三錢爲
末臘豬油調搽

附胎毒瘡

胎毒之由皆娠母情慾七情六慾妄動辛酸煎燂多嘗苦

毒傳於胎中嬰兒其毒未有中而不發雖至貴至賤

莫不皆然若其發也或為胎剝或為疥癬或徧身膿

瘡糜潰成片或胎毒流注或丹腫遊風或徧體紫黑

等症名各不一。稟元氣足者雖毒熾能易化解稟

元氣弱者毒雖輕而難治也大法當察其稟之厚薄

毒之淺深解利為主犀角解毒湯合導赤散蓋解利

之藥性清涼而滑潤亦有宜過投何也曰乳兒未受

穀氣如萌芽嫩脆稍有不謹遂成泄瀉難以救治故

首尾用藥宜固正氣為主兼利水益脾隨症活潑斯

胎毒篇

爲王道。亦有乳母素有鬱熱或亦恣食辛辣煎炒生冷雞魚等發物流入乳中令兒哺之血熱相搏發爲瘡腫等症治宜散解乳母之蘊熱兒亦服之可也故經曰母安則子安母病則子病

一兒生下赤溜余用乾荷葉爲末乾摻之如乾用香油調搽

一兒患赤遊丹腫余以磁針砭出惡血以前方治之愈不則延入腹者不治

一兒患胎毒流注余先以發解之劑起者以鐵穉散圍之將起者玉露膏散之又以參耆托裏散成膿

毒化愈

一兒患症如前只以涼藥塗之腫雖退毒倒陷喘脹
搐搦而斃。啟雲先生謂胎毒瘡不宜服藥乳母
調適得宜乃不藥之藥也余嘗徧告於人不與藥
用余之言無不皆愈儒門事親曰噫班固真良史
嘗云有病不治得中醫若病久漸至衰羸當合宜
而治不可拘泥

一兒患胎毒瘡發解太過有傷胃氣或以湯藥敷洗
瘡雖愈毒反內攻喘脹而卒。有胎毒瘡久而收
於滿頭連額有痂或成黃膿何也蓋頭者諸陽所

會之處洪範五行火曰炎上熱毒上攻兩陽相灼
而然也法當解陳莖之積熱道心經之煩燥斯可
矣百解散合五和湯及四黃散敷之愈

一兒患胎毒瘡遍體潰爛余以甘草苦參防風煎湯
浸青布衣二領晒乾令兒換著身上內服清解之
劑愈

一兒患胎毒瘡久稍愈面色枯白瘡痕少神余謂毒
盡外出宜補益之不則元氣脫絕慢脾不治以保
元湯加當歸芍藥金銀花治之而愈

一兒患胎毒瘡頓然而愈驚搐喘脹咸謂夾食驚風

用涼驚消食藥治之愈甚余謂瘡毒創陷以和解
湯治之其瘡復發諸症悉平但面白少神肌肉羸
瘦乳食不化謂中氣不足以保元湯合四君子湯
加防風金銀花固中氣爲主其瘡收至頭上又犀
角解毒丸漸解而愈一有不從前治喘脹而卒一
有瘡雖發外不以調補漸爲疔症不治

胎毒發丹

皆由胎毒內伏或頻浴熱湯或久卧火坑或乳母過
食煎燻辛辣或七情內鬱助邪爲患或發於頭面或
發於四肢胸背色赤遊走不定治以砭出先宜發解

必犀角消毒丸大連翹飲中病即止

一兒患此乳食如常二便清調余謂毒盡出於肌表宜砭出毒血自愈不從外敷內服皆寒涼藥反毒內攻喘脹而死

一兒患此外勢雖輕二便秘結乳食減少余謂毒在臟以百解散發出其勢雖重而內症悉平以大連翹飲及砭法愈

砭法 令口吮毒血各聚一處用磁鋒以筋頭劈開夾之用線縛定令磁芒對聚血處再用筋頻擊刺出毒血爲妙如患在頭者用針挑患處出血爲妙

遲則入腹入腎難治矣

大凡胎毒瘡腫等症當分陰陽虛實而用內治之法不可槩以寒涼敷塗之藥蓋曰血氣得寒則不能運行毒凝滯而不化也

一兒胎毒發赤遊丹腫先百解散發之頭目皆腫又犀角荆芥防風甘草牛蒡子赤芍愈

一兒百日內胎毒發丹腫傳過咽項耳後項上出膿用犀角消毒飲愈

一兒患胎毒徧延頭面赤腫用敷藥塗之火毒入目其目珠突出而瞎

一見患此以敷藥塗之腹脹喘搐而死

一見患症似前用百解散而復赤腫用犀角解毒丸
加人參愈

一見傷食發丹大便秘結用保和丸四順清涼飲通
之愈

一見因乳母食炙燻辛辣致兒爲患者用加味逍遙
散加味清胃湯母子並服愈

柴胡清肝飲 治肝經風熱瘡毒

柴胡 丹皮 茯苓 山梔子

川芎 白芍 當歸 牛蒡子

甘草

連翹

水煎服

當歸和血飲

治瘡疥

四物湯加連翹牡丹皮荆芥防風

加味清胃湯

升麻

丹皮

生地

黃蓮

當歸

柴胡

山梔

水煎服

犀角消毒飲

犀角

生地

當歸

赤芍

荆芥

防風

連翹

牛蒡

丹皮

黃芩

甘草

薄荷

水煎服

赤遊火丹

此候皆由內有積熱薰發於外被風熱毒之氣所干搏於血氣則皮膚赤腫行走不定若重者隨血氣虛處則流注焮腫赤色如火灼或成膿或乳母愛食煎燻辛熱致兒患此若遊走入腹入腎亦能殺人宜速治之用升麻黃芩連翹大黃朴硝水煎服又方用鬱金桔梗花粉甘草葛根薄荷煎服或用犀角消毒飲又方用生地赤芍當歸川芎荆芥防風黃芩煎服又方用慎火草杵爛敷之又方用馬齒莧杵爛敷之又

方螺螄肉搗爛絞汁塗上又冰冲塔敷上又藍葉杵爛敷上○又有風塊遊走徧體或赤或白或痛或痒由風熱毒於氣血相搏而生也用升麻葛根湯加荆芥薄荷

癬瘡

癬瘡俗名痞子其狀如粟粒芥子色赤而痒搔之亦能成瘡夏月多生頭面或徧體皆由盛熱汗出而腠理開被風熱毒氣干於氣血而生也用冰片一分黃柏五錢白麩二兩臘茶一兩俱爲末以新綿搵藥撲破者敷之

黃水瘡 卽浸淫瘡

皆由濕熱與氣血相搏而其瘡初生碎小後有膿汁浸淫漸大膿汁著處便濕爛成瘡用二黃膏松香散敷之

二黃膏

雄黃

雌黃

川烏

松香

三錢俱為末

亂髮

一團燒灰存性

右以猪油六兩熬次入下三味煎至髮消盡以綿濾去滓入二黃攪勻磁器盛之塗瘡上

又方

松香五倍黃連海鱈鮓黃丹輕粉雄黃等分爲末摻之如乾臘猪油調塗

天泡瘡

由風熱毒氣客於皮膚搏於氣血而生始生如湯湯作泡皮破漿出成瘡用地黃膏塗之

地黃膏

生地

升麻

藍葉

山梔

大黃

各一兩

右剉用猪油八兩文武火煎色變濾去渣磁器盛之塗患處

又方

柏葉搗汁半盞水解服之

又方

用滑石青黛黃柏甘草各爲末敷之乾則以柏葉汁調塗

湯盪火燒成瘡

切不可用冷物泥塗之恐令熱氣不出伏溜潰爛深傷筋脉用小粉炒黑爲末麻油調塗又用風化石灰炒黃色地上出火毒麻油調塗又方先以好酒冷洗用雞子十個煮熟去白以黃炒焦黑取油一盞用

生大黃末二兩調勻塗上 又柏子房爲末麻油調塗

撲墮損傷

人之氣血循身周流而無停止小兒有因墮床或高處墜下或打撲損傷致血氣失度隨損處瘀凝不散致寒熱疼痛舉動不能用活血散復元散如折傷用乳香沒藥紫木香臘精雄雞熱血調攤紙上貼患處以布包外又以杉木薄板夾定又用布緊縛之骨折如舊

活血散

當歸

紅花

桃仁

甘草

柴胡

大黃

生地

蒲黃

水煎服

復元散

土龍蟲

不拘多少用壁喜窠包蟲在內以

紅花

五分末 大仙人柴

火煨醋淬

古文錢

火煨為末

自然銅

三次為末五分

乳香

沒藥

各五分末

右和勻每用二分空心好酒調下小兒一分

又方

半兩錢

不拘多少火煨醋淬脆研細

麝香

少許

右共為末每用一分好酒調下

治跌傷 用五爪龍草葉搗爛酒漿和貼

附驗方

巨勝子丸 補養氣血添精固髓久服種子

胡麻 揀淨不見水淘淨 生地 酒拌九蒸九晒

兔絲子 去沙酒洗淨童便浸 肉蓯蓉 去中膜焙乾

枸杞子 人乳浸蒸焙 破故子 五兩炒

杜仲 五兩去皮童便 茯苓 二兩五錢

當歸 二兩五錢 牛膝 五兩酒洗

麥冬 一兩五錢 五味子 一兩五錢敲碎

人參 中童便浸焙乾 二

豆麥專心錄 卷十八 驗方 巳 齊文堂

附子

防風一箇重一兩二錢者用童便甘草

何首烏

五兩竹刀刮去皮米泔浸一宿用黑豆蒸熟為度去豆晒乾如此丸炙晒

乾為末少年不用

右為末蜜丸如梧子大每用三錢空心白湯下

治腎虛腰痛

杜仲

四兩鹽水炒斷絲

破故子

三兩鹽水炒焙乾

川葦薈

四兩四製米泔酒薑汁盪水各浸一宿

胡桃肉

八兩湯泡去皮再煮一時去油研爛

右為末粘米糊為丸如梧子大每用三錢空心鹽

湯送下以食壓之

萬應奪命散

治癰疽發背疔瘡無名腫毒喉閉

乳香

置竹筒內煮自然去油

沒藥

製全上

丁香

木香

苦丁香

麝香

各一錢

牛黃

蟾蜍

各五分

血竭

二錢

巴霜

五錢

右為末酒漿糊丸如黍大壯實人每用九厘瘦人

七厘小兒三厘臨卧用溫酒送下便利三四次

愈

八味蠟礬丸

治癰疽托裏護臟腑止痛消毒

明礬

一兩

蜜蠟

一兩

牛黃

真珠

乳香

沒藥

硃砂

各一錢

雄黃

五分

先將蠟溶化離火下衆藥和勻衆手急爲丸梧子
大每用十九加至二十九溫酒送下日進三服
治驚風痰涎壅盛兼治瘰癧

麝香 三分 牛黃 巴霜 砂仁

真珠 各五分 辰砂 三錢留 滑石 三錢

右爲末飯丸如麻子大辰砂爲衣每歲二三丸薄

荷湯下

截瘡方

大南星二個根上各挖開一孔用白砒末四錢
置孔內兩星孔口對合以線扎定泥封固炭火

煨存性去泥爲末用細茶白扁豆菘豆粉各一兩飛羅麪和爲丸黍大硃砂雄黃爲衣每用二分臨發日五更送下

治痢疾 初起服之積盡即愈 雁蕩僧傳

大黃 肥皂肉 各一筋用好酒五筋煮乾再焙乾爲度

右爲末黃米糊丸如小豆大每用四錢空心生薑湯送下好酒亦可大小虛實加減

治疝氣偏墜小腸氣

薔薇子 黑丑 硫黃炒 荔枝肉 大橘核

川練子 各一兩 吳茱萸 大茴香

五參傳心錄 卷一 八 驗方 四 各收室

檳榔

枳殼 各五錢

木香 三錢

右藥共為末神麩糊丸如梧子大每用二錢空心

薑湯送下

真珠丸 治遺精白濁

真珠

另研一錢

玉蛤蜊殼 四兩

黃柏末 四兩 鹽水炒

知母

四兩 鹽水炒

右為末蜜丸梧子大青黛為衣每用二錢空心鹽

湯送下

治善貢頭 一名軟疔

菜油

一兩

黃蠟

五錢

瀝青

一錢

黃丹

五分

羊骨髓 一具

右藥同沙鍋內熬成膏紙上攤貼

又方

用鱉甲煨為末飛麩和勻醋調塗上或用干槌膏貼之

治凍瘡 多生兩耳手足

黃柏 白芨 白歛 等分

右為末先以童便洗淨以麻油調塗

治陰囊生瘡痒搔黃水出

礬 燒枯

五倍

細茶

各等分

臙粉

少許

右爲末先以醬水葱白川椒煎湯洗之用藥敷上

又方

黃連 胡粉各一兩 枯礬

右爲末敷之

治面上生瘡如火燒兼治火丹

冰片三分 黃柏末七錢 輕粉三錢

右爲末淨猪膽調塗濕則乾摻

又方

用鯽魚頭燒灰研末醬油調塗如出黃水乾糝

上一日一易

治小兒口傍生瘡

枯礬

蛇床子

髮灰

黃連

故絮灰等分

右爲末敷上

治咽喉一切諸病

五月五日午時取蝸牛十四條同陳白梅肉一兩研爛入大黃末礬燒火馬勃末各一錢研爲丸如圓眼大每用一丸綿裹含化下或以淨水磨化灌之

治蛇咬

以人尿厚敷之用綿裹即消

治蜈蚣咬

以醋磨生銀汁塗之

治天蛇頭

蜈蚣

全蝎

雄黃

等分

右為末

油調敷

治汗斑

蠟燭

貝母

硫黃

右等分為末薑片蘸藥擦

又方

密陀僧海鰓鮓硫黃等分爲末薑片蘸擦

犬咬

先以小便洗用瓦上青苔屑按患處或牛糞塗之

杖瘡

大黃末水楊根蜒蚰如無用田螺肉同搗爛用白蘿蔔汁調以鷺翎擔上不可用熱湯浴又不
可用冷藥

治刀斧傷

五月五日午時採芝蔴葉連根葱蒜鹽醬石灰

花椒一同搗爛如泥作餅貼壁上候乾為末聽

用

治赤鼻

枇杷葉 白朮肉 芽茶 芭蕉葉 各四兩

右為末密丸如黍大每用二錢白湯送下

又方

用明礬 敲如末 每用八分空心白湯送下

治詐腮 卽腮腫

用薑汁猪膽好醋濃磨京墨頻塗患處使半

日不乾立退

加味道遙散

當歸

甘草

白芍

白朮

茯苓

柴胡

丹皮

山梔

生薑三片水煎服

本草綱目卷之八 驗方 卷之八

痘疹傳心錄卷之十八終

痘疹傳心錄卷之十九附種痘

朱純嘏輯

瘦樵程永培校

痘疹原於胎毒

易曰大哉乾元萬物資始至哉坤元萬物資生夫乾為父資始者氣之始也坤為母資生者形之始也人之受氣于父成形于母是父精母血之毒已凝結于陽施陰受之時故曰胎毒不論富貴貧賤毒皆有之及兩間之雜氣交攻于五臟夫然後命門之胎毒外透矣始焉一點紅者血之色也血本水也天一生水地六成之水屬北方之坎在人身即腎也腎水充足

而更得水火土金之氣相長相養而成氣與血焉是
血之源于腎也明矣雖分屬于心生血肝藏血脾統
血籍令腎中水枯則心何自而生肝何得而藏脾何
從而統哉合之五臟同一氣血也故痘出齊之後次
第起發其漿漸充漿者毒之所化也迨膿成則毒解
矣漿轉褐色回水結痂之候痂結蒼蠟色此一十二
日之成功也俗不論陰陽五行之正理且曰惟腎無
候又曰痘之變黑始歸腎也此皆不經之談予不得
已故著說以辯之

種痘採痂法

凡採痂須擇極順之症其險症逆症之痂斷皆不可用若春秋二季一月之痂可種若夏五六月半月之痂可種冬月嚴寒四五十日之痂亦可種蓋以寒則氣聚熱則氣散故有不同耳

凡一歲之兒女可用痂三十粒於淨磁鍾內以柳木作杵研此痂爲細末用潔淨棉花些須又用潔淨之水春秋溫用夏則涼用冬則略帶熱用滴三五點於鍾內乾則又加幾點總以研勻不乾捏成棗核樣以紅絲線拴定約留寸許長餘則剪去納於男左女右之鼻孔內線露在外以防吸土未滿一歲者種六箇

時辰取出若二三歲者十箇時辰取出卽十二箇時辰亦可

種苗取出後約計五日而五臟傳遍至七日身必發熱發熱三日苗必現焉見苗五日而出齊出齊之後痘必次第長漿漿長三日而膿漿充足旣日足漿則回水結痂之候也以發熱三日應天時正二三月春令發生之時見苗出齊應四五月夏令長養之時長漿足漿應七八九月秋令成熟之時回水結痂應十月十一月十二月冬令收藏之時也若未出齊以及灌漿未足不妨多一日以象閏月此在人神而明

之也

續補種豆之法乃後人之變法也其法造一銀管約長五寸其管之孔略小于鼻之孔可以入得鼻內先著痘痂末於管內對上鼻孔輕輕吹入鼻中此續補之一法又有以出痘之衣當長漿足漿三四日內痘氣充盛取其貼身裏衣與未出痘之兒女穿二三日夜間亦不脫下至九日十一日始發熱曾見七日發熱者十中不過一二此乃衣傳然恐氣薄不透多有不熱不出若夫狂妄之輩挑破痘漿而作種者此乃不仁之人所爲也

其種痘之法總以上好痘痂爲之藉其天地陰陽之
正氣以氣相傳順而又順凡一切麝香等味俱不用

謹記謹記

痘苗取出三五日之後男左女右頸項之下與咽喉
相隔不遠微有小疙瘡此痘苗將發之候也然此說
不可一槩而論亦有無疙瘡者其苗亦發若痘長漿
之時必用藥催漿得漿充足疙瘡自消散若消散不
盡勢必凝結而爲痘毒矣

凡種痘甫及一歲者爲上若長至五六歲知識漸開
未免任其性情不依調理不肯服藥難於種痘學種

痘者當先知之

凡所種之幼稚男女必要辨別其精神夫所謂精神者面部有精采喜色明亮透達印堂山根年壽無青暗之色滿面紅光純粹者吉所謂神者兩目視瞻平正愈看有神至於神之完固乍見竒異而不驚就看熟識而必要神情安逸嬉笑自如更兼目有精光者吉若目無神思昏蒙倦怠者不種更要詳察其形氣夫所謂形氣者頭面胸背手足形也體之各具者也必要詳看其骨肉相稱肥不見肉瘦莫露骨肉色要緊微帶紫黑色者吉若鬆寬如發麪樣者不種所謂

氣者體之充也天柱端正頸不歪斜手執物件把持
有力站立懷中脚不倦怠小便遠而長腎囊緊小微
帶紫黑色如荔枝殼者吉若形氣倦怠呼吸之氣不
均勻出入粗細不一者不種不曰無神者面無喜
色者皮肉如發麩樣者形氣瘦弱者內有疝
積者病後虛弱者吐瀉纔愈元氣未復者渾
身有疥瘡者生大毒正氣未復者聲音不亮并
不長者俱不可種

辨別七暈論

痘出而根脚有暈其名有七焉辨之不可不早也痘粒之尖圓者氣充也實也痘粒之平塌者氣弱也虛也若以暈言之老紅也紅紫也紅紫乾枯也淡紅也焦紅也鋪紅也淡白也此七暈之分別也其中有順險逆之分焉

老紅者暈色紅而老不嬌妖也不閃爍也不乍紅而乍淡也亦不帶紫也此老紅之暈必發熱三日而始見痘苗也身體必平和不甚熱也必能飲食也二便必調也精神必清爽也此順症也痘出必稀疏卽多

有百十粒亦順症也

紅紫者痘色深紅而帶紫也必發熱二日卽見痘苗也身必熱微煩燥也當以敗毒和中散主之看其出齊卽用清毒活血湯催其長漿漿足亦歸於順紅紫乾枯者初見痘苗卽見如此暈脚其症多係逆症必發熱一日卽見痘苗報痘必稠密必大熱蒸蒸煩躁昏沉不省人事唇焦口渴此危症也其症多不可救若大便結燥二三日不解小水短澀又黃此毒火內盛急宜下之以清其毒火仍宜用敗毒和中散加熟大黃以利之毒火必從此而少減看其出齊卽

以清毒活血湯催其長漿向之所謂紅紫乾枯者今
見根脚紅活漿在沆起此尙可救若仍復乾枯不見
起長不見泛漿加之身熱蒸蒸煩躁頓闕譫語昏沉
不省人事不思飲食痘乃平塌中有黑臍此必不可
救也

淡紅者暈脚四圍淡紅有嬌燒之色以紙燈照之若
有紅色若紅色不定將來必變淡白色此乃氣血俱
虛若初見痘苗之時見此淡紅暈脚寒涼之藥切不
可用倘或身不退熱微有煩躁宜用敗毒和中散去
笨運紫草茸加羌活蘇葉白芷以托其苗俟其出齊

以千金內托散催其長漿漿足仍歸於順若先悞用
寒涼暈轉淡白急用參歸鹿茸湯以救之緩則成灰
陷矣此淡紅之暈易於變淡白不可不知
焦紅者初見痘苗頂乃先焦根脚紅紫有芒角不見
滋潤暈脚不圓且又帶紅紫乾枯此乃毒火內盛若
初見痘苗急用敗毒和中散倍加芩連紫草茸以托
之俟其出齊熱不減不能食兼之神昏不省人事煩
躁頓悶水漿不入則不可救矣倘或熱少減神氣稍
清能食不甚煩躁急以清毒活血湯催其長漿若漿
足仍可歸順此在神而明之存乎其人也

鋪紅者痘無紅暈痘粒淡白通身皮肉盡紅故名曰鋪紅良由毒火內盛氣不能統血散漫於皮膚之間也若神清能食痘稀疎者可治若人事昏沉則不可救矣

淡白者痘之根脚四圍無一絲紅色止見有淡白之痘而亦不見其有暈也蓋因氣血兩虛或因久病之後或因吐瀉之後或因生母有病以致折乳或因內有積患或因生大毒膿血出多元氣傷洩之後故出此淡白之痘初見痘苗宜用加味參蘇飲以托之俟其出齊卽用千金內托散催其長漿如或漿不足卽

用參歸鹿茸湯以催之今日不足來日再催予曾治此等氣血兩虛之症竟至一十二日成滿漿者今之庸醫見八九日漿不滿而平塌者盡委而去之皆因內無學問知識平常未見久吾聶氏活幼心法之書又不能親敬高明未免自以爲是予業痘疹有年此七等之暈辨別極其詳細得之於心而應之於手雖前哲未曾分晰明言今特表而出之以開示後學沉潛玩味廣其知識一臨此等七暈之症內有一定之主意外用合宜之藥味舉斯世之幼穉咸出險途而躋壽域豈非仁人君子之存心哉

逆症一十三條論

蒙頭一也面部身上及手足俱稀疎獨頭上以至髮際形若蠶種此逆症也若稠密有地界又當別論

蓋面二也他處俱稀疎獨面上形若蠶種無絲毫空

處此逆症也若稠密有地界又當別論

托腮三也他處俱稀疎獨兩腮頰及地角相連一片

形若蠶種此逆症也若稠密有地界又當別論

鎖項四也他處俱稀疎獨項間形若蠶種無絲毫空

處此逆症也若稠密有地界又當別論

雲錦鋪胸五也他處俱稀疎獨胸前一處上連咽喉

之上下及兩乳之間形若蠶種此逆症也若稠密有地界又當別論

雲錦鋪肩六也他處俱稀疎獨兩肩及後頸窩形若蠶種此逆症也若稠密有地界又當別論

前後補服七也他處俱稀疎獨心窩之下肚臍之上脊背鳳翅骨之下脊後腰之上前後如職官穿補服樣或方或圓一片形若蠶種此逆症也若稠密有地界又當別論

斷橋八也他處俱稠密不分地界獨脊背腰之上下及臍之上下前後不見痘粒此逆症也猶橋之有梁

而中斷也若上下別處所出之痘有地界猶可望生
又當別論

蟹蟄瘟九也徧身上下痘出稠密不分地界惟胸腹
之間不見痘粒有似於蟹蟄形狀故名蟹蟄瘟此逆
症也若稀疏又當別論

無根十也通身上下痘俱稠密不分地界獨兩手心
兩足心無痘蓋以手足爲諸陽之本陽絕則兩手心
兩足心皆不出痘此逆症也若通身出痘稀疏又當
別論不得拘泥於此也

枯樹挂蛇十一也有單挂有雙挂有挂在手肱者有

挂 在腿股者他處俱稀疎獨挂處如蛇形而纏繞之
密如蠶種此逆症也倘稀疎有地界又當別論

東帶橫腰十二也他處俱稀疎獨後腰及腰周圍如
東帶形密如蠶種闊不過二寸此逆症也倘或稀疎
又當別論

形如瓜瓠十三也痘初見標尚未出齊以及將出齊
之際痘未見起發而面部腮頰以及兩目俱皆腫脹
形如瓜瓠此毒氣內盛先攻脾肺此逆症也煩躁頓
悶昏沉不省人事者決不可救

痘分十二論

治痘計日有一十二日之期乃按天時十二箇月令也其中有至理存焉發熱三日應天時正二三月也見苗以至出齊應四五月也長漿以及足漿應七八九月也回水結痂應十月與十一月也此一定陰陽造化之權衡也世人不明陰陽造化之理而乃除去發熱三日不算乃於見痘苗之日算起乃曰出三日長三日灌漿三日回水結痂三日是將十五日作十二日也何其不明之甚也若曰出三日者無大關係猶可混得過去若謂長三日則長何物殊不

知長者長漿也既云長漿又曰灌漿不亦重疊而言
之乎庸醫執此當長漿三日之際總不言漿且曰長
得痘之顆粒好亦不用藥催漿及後面部轉褐色乃
回水之候彼方用藥催漿痘不甚稠密尚可延捱若
毒火內盛及氣血虛弱鮮有不悞事者此皆長三日
之一言悞其時曰不能催其長漿以致膿漿不成變
症蜂生雖有明醫難保其後矣或問之曰子言一十
二日必連發熱三日而算以合天時正二三月也若
痘出稠密倘爲風寒所束出得遲滯三日不能出齊
者有之子今乃曰見苗以至出齊應四五六月倘後

之業幼科者遵子之定論不待其出齊而用藥催漿
不亦失之於太早乎予應之曰善哉爾之問也旣云
出痘按一十二日之期應天時一十二箇月令有春
令發生夏令長養秋令成熟冬令收藏之義焉倘未
出齊遲一日以象閏月也若明此閏月法則長漿不
能及時充滿亦可遲一日以象閏月則痘漿未有不
成者也予故曰其中有至理存焉何前代名醫於此
不深講究也今特表而出之以與業幼科者共明此
一十二日之至理也

一十二日之至也

不窮精義也今許其而由之以理業也擇其共則也

知澤也于其日其中育至與皆謂其為公謂其也

猶又和衣而衣而數一日以與謂其與與與未亦不

由養也一日以與謂其與與與與與與與與與與

今將主其令其養其令其與與與與與與與與與與

出與與與與與與與與與與與與與與與與與與與

不亦與與與與與與與與與與與與與與與與與與與

之業也其其其其其其其其其其其其其其其其其其

痘科緊要成方

藥之分兩多少俱以半歲孩童為式大者添之再小者減之

加味升麻葛根湯

白粉葛 一錢

升麻 三分

牛蒡子

五分 揀淨炒香研碎

小川芎 七分

蘇葉 六分

桔梗 六分

山查肉

八分

赤芍 五分

防風 七分 去蘆

甘草 二分 生 去皮

生薑三片同煎熱服取微汗

升麻葛根湯十味

赤芍防芎甘桔是

歌曰 山查蘇葉及牛蒡

體氣壯強斯藥治

加味參蘇飲 此乃初發熱時所用之加味參蘇飲也

人參

二分 或無亦可 倘元氣虛必要

蘇葉 七分

前胡 一錢

卷之九 二 齊文堂

小川芎 七分

山查肉 八分

桔梗 五分

白茯苓

芩 八分

白粉葛 八分

陳皮 七分

半夏 三分

牛蒡子

五分揀淨炒香研碎

甘草

二分生去皮

生薑 三片同煎熱服取微汗

加味參蘇白茯苓

前陳甘桔半芎平

歌曰

牛蒡查肉和乾葛

體氣虛羸用此靈

以上二方即是傷感而非痘疹服之發汗亦無妨

敗毒和中散

連翹

七分去心研碎

防風 七分

荆芥 七分

黃連 一分

不用酒炒

牛蒡子

七分製同前

桔梗 六分

陳枳殼

五分

炒

前胡一錢

紫草茸

五分酒洗研末

小川芎七分

升麻

三分

木通

七分

蟬蛻

十二隻如有閏月十三隻洗淨曬去

定頭

麥門冬

去一錢心

甘草

二分生去皮

生薑一片燈心五十寸同煎服

如大便秘澀加酒炒大黃八分微利之不秘者

勿加如毒火盛加酒炒黃芩二分

歌曰

敗毒和中翹桔草
通麻苓殼紫荆防

牛蟬前麥芎連好
便秘蒸黃微利早

升消平胃散

小川芎

七分

香附

一錢炒

蒼朮

六分炒

紫蘇

七分

豆麥專心錄

卷十九

七

香散堂

厚朴 六分 汁炒

藿香 五分

砂仁 五分 研碎

白芷 六分

陳皮 六分 去白

麥芽 八分 炒

山查 八分 去核

甘

草 二分

煨薑三片同煎帶熱服

歌曰 升消平胃朴陳芽

白芷蘇芎藿附砂

吐瀉內傷兼腹痛

須加蒼朮草山查

參砂和胃散 即香砂六君子湯

人參 三分 去蘆

砂仁 七分 研碎

半夏 五分

陳皮 六分

白朮 一錢 炒 去蘆

白茯苓 八分 去皮

藿香 六分

甘草

三分

煨薑去皮三片同煎服

歌曰

胃氣中虛嘔吐頻
陳皮白木煨薑引

參砂和胃散尤靈
薑半隨甘白茯苓

木苓調脾散

白木

去一錢蘆炒

白茯苓

去八分皮

真神麴

八分炒

白

芍

六分酒炒

白朮

八分薑汁浸去殼炒

砂仁

六分炒研

香附

七分炒

厚朴

六分薑汁炒

甘草

三分炙

或加人參

三分

煨薑三片大棗一枚去核同煎服

歌曰

脾土中虛泄瀉作

木苓調脾朮芍

砂仁草附或加參

神麴煨薑炒白芍

清解散

防風 七分

荆芥 七分

蟬蛻 十二隻去頭足
如有聞十三隻

桔梗 六分

小川芎 七分

前胡 一錢

連翹 七分

去心 乾葛 八分

紫草茸 五分
研末

升麻 五分

木

通 七分

黃芩 五分
酒炒

山查肉 八分

牛蒡子 七分

製同 前

黃連 二分
酒炒

甘草 三分
生 去皮

生薑三片同煎溫服

歌曰

清解散防升葛通

芩連甘桔茸川芎

前胡蟬蛻蒟翹其

查肉生薑引有功

蘇解散

防風 七分

荆芥 七分

蟬蛻 十二隻去頭足
如有聞十三隻

桔梗 六分

小川芎 七分

前胡 一錢

乾葛 八分

升麻 五分

紫草茸 五分
研末

木通 七分

紫蘇

七分

連翹 五分
去心

牛蒡子 五分
同煎製

白芷 七分

羌活 五分

山查肉 八分

甘草 二分
生皮

生薑三片同煎帶熱服

歌曰

蘇解前羌白芷同

荆防升葛紫翹功

牛蒡蟬蛻山查肉

甘桔淮通及撫芎

溫中益氣湯

人參 五分

白朮 一錢

黃耆 八分
生

防風 七分

當歸身

七分 酒洗

白茯苓

八分

南木香

三分

川芎

七分

山查肉

八分

白芷

七分

官桂

二分

甘草

三分 炙

生薑一片大棗一枚去核同煎服

歌曰

溫中益氣用生者

參朮歸身官桂宜

白芷防芎查肉草

木香應與白苓俱

調元化毒湯

懸黃耆

生 一錢

當歸身

八分 酒洗

牛蒡子

七分 炒研

人

參

三分

白芍

七分 酒洗

連翹

七分 去心

木通

七分

黃芩

五分 酒炒

黃連

二分 酒炒

防風

七分

荊芥

七分

桔梗 六分

前胡 一分

蟬蛻 十二隻 去頭足 如有閏十三隻

紅花 三分 酒洗

紫草茸 五分 酒研末

生地黄 一錢 酒洗

山

查肉 一錢

甘草 二分 生 去皮

生薑 一片 同煎 溫服

歌曰 調元化毒參耆芍

紅紫牛蟬荆芥著

歸地前通查肉翅

芩連草桔防風度

加減參蘇飲

與前加味參蘇飲不同

蘇葉 一錢

人參 二分

陳皮 七分

羌活 六分

小川芎 八分

防風 七分

荆芥 七分

桔梗

白芷 六分

甘草 二分 生 去皮

冬月加麻黃

分

生薑三片同煎熱服但不可出汗

歌曰 驚搖休云作等閑

風寒外束出艱難

參蘇羌芷芎防芥

甘桔陳麻笑解顏

平和湯

人參

三分

當歸

六分

桔梗

六分

白芍

五分

紫蘇

六分

黃耆

生錢

防風

七分

白芷

七分

官桂

二分

沉香

二分

檀香

二分

藿香

二分

乳香

二分燈
心同研

生薑

一片同煎溫服

歌曰 穢氣相衝不可當
教君急用平和湯
參耆歸芍蘇防芷
桂桔沉檀乳藿香

薑附湯

白附子 二錢
老生薑 二錢

濃煎湯灌下一二酒杯出微汗即愈

歌曰 痘出傳風眼直斜
牙關緊閉襲風邪
此時勿用驅風藥
白附薑煎汁當茶

清毒活血湯

紫草茸 七分
研末 當歸 八分
酒洗 前胡 一錢
牛蒡子
木通 七分
桔梗 六分
生地黃 一錢
酒洗

七分
炒研

連翹七分 人參五分 生白芍五分 黃芩五分

炒酒二分 黃連二分 生黃耆五分 甘草二分

山查去核

生薑一片 同煎服

煩渴者去參者加麥冬一分 花粉七分

清毒活血紫參者 牛子當前白芍宜

歌曰

生地芩連翹桔草 山查薑引木通提

參歸鹿茸湯此方有起死回生之力

鹿茸三錢 嫩絲黃耆五錢 甘草五分

人參三錢 當歸身一錢

可用酥炙更好

薑一片好龍眼肉三箇同煎去渣入好酒一杯
溫服

兒能飲酒者濃煎藥汁與酒相半和服亦好

如困倦手足冷飲食少者加廣木香三分公丁

香三分官桂三分砂仁三分

如漿不足九十日之間或有作寒戰咬牙者再

加官桂二分熟附子三分

如大便泄瀉膿漿難成去當歸加麴炒白朮一

錢酒炒白芍七分白茯苓八分木香三分丁香

二分肉桂二分肉荳蔻五分麴裏煨熟搥去油

用柯子肉二分煨熟

倘瀉不止另用參朮散

兼用七味荳蔻丸

參歸鹿茸用三錢

蜜炙黃耆貴嫩絲

甘草炮來薑一片

福元好酒服安然

千金內托散

人參

五分 去蘆

當歸身

一錢 酒洗

嫩絲黃耆

二分 蜜炙

大川芎

七分

山查肉

一錢

南木香

三分

白

芍

五分

官桂

三分

防風

七分

白芷

七分

厚朴

七分 炒

甘草

三分 炙

生薑一片好龍眼肉三箇同煎入好酒和服

隨症加減法同參歸鹿茸湯

歌曰 千金內托十二味

歸芍參耆防芷桂

木香甘草及川芎

厚朴山查薑酒是

參耆湯

人參

一錢五分
去蘆

黃耆

三錢
蜜炙

官桂

五分

甘草

一錢
炙

生薑一片同煎溫服

血泡通紅不作漿

惟有參耆四味湯

歌曰

炙草一錢官桂五

管教服藥得安康

參麥清補湯

人參

五分

麥門冬

一錢
蒸曬乾

白花粉

八分
蒸曬乾

豆參專心錄

卷十九

十七

前胡 一錢

生黃耆 三錢

牛蒡子 八分 炒研

炙甘

草 三分

生甘草 二分

酒炒白芍 五分

生白

芍 三分

當歸身 七分 酒洗

紅花 五分 酒洗

大川芎 七分

桔梗 七分

生地黄 一錢 酒洗

山查 一錢 去核

生薑一片好龍眼肉三箇同煎頻頻溫服

歌曰

參麥清補甘草芍

半生半熟紅花著

生耆歸地桔川芎

花粉前蒡查肉度

梔連二陳湯

黃連 三分 薑汁炒

白茯苓 七分

梔子 二分 薑汁炒

半

夏 薑製

炙甘草 二分

陳皮 五分 去白

生薑一片同煎緩緩服吐止卽勿服

歌曰 行漿作吐兩般云

毒火梔連合二陳

困倦參砂和胃散

其間痘色要分明

加味四苓散

猪苓 七分

木通 七分

澤瀉 八分

黃芩 五分 酒炒

黃連 二分 酒炒

赤茯苓 七分

牛蒡子 五分 炒研

車

前子 七分 炒

燈心五十寸同煎食前服

歌曰 行漿作瀉甚難當

小便紅黃毒氣猖

加味四苓車木共

芩連牛子一齊嘗

參朮散

白朮

一兩用裏白無油者去蘆炒

人參

五錢去蘆

砂仁

五錢炒

白茯苓

五錢去皮

炙甘草

五錢去皮

南木香

二錢

廣

陳皮

四錢洗淨去筋膜曬

山查肉

五錢炒

家蓮子

五錢炒去心

肉苳蔻

四錢切細用麪裹煨熟去麪

柯子肉

四錢煨去核

真神麪

五錢炒

薏苡仁

五錢炒熟

其為極細末每用二錢清米飲調食前溫服兒
有不肯服者入稀粥內和服亦可

歌曰

參苓砂草薏苡仁
南木三陳柯蔻四

蓮肉山查五麪神
其間白朮兩分明

吐逆者加藿香七分砂仁七分炒研
此時有效逆者乃胃氣上越也取真黃土鼻邊
聞之立止

歌曰

養胃開痰參朮草
蓮肉陳皮半桔竒
若還吐逆藿香砂
茯苓山藥山查寶
渴服麥冬五味早
黃土鼻聞須論討

建中湯

人參

三錢
去蘆

黃耆

三錢
蜜炙

乾薑

五分
炒

肉桂

五分

白朮

錢五
分上炒

當歸身

一錢

大川芎

八分

公

丁香

五分

大附子

五分
製熟

甘草

二分

生薑一片同煎溫服

歌曰 咬牙寒戰建中湯

參朮黃耆熟附當

肉桂炮薑須炙草

川芎薑引用丁香

溫表調中湯

黃耆一分 蜜炙五分 人參一分 去蘆一錢 三茯苓一錢 白朮

上炒 官桂三分 大川芎二分 防風五分

白芷五分 丁香三分 當歸七分 乾薑五分

熟附子三分 炙甘草三分

生薑一片同煎溫服

歌 溫表調中參朮耆 丁香熟附桂當歸

七味荳蔻丸

肉荳蔻

五錢製
同前

柯子肉

五錢煨
去核

白龍骨

五錢煨

南木香

五錢

赤石脂

七錢煨
五次

枯白礬

七錢

砂仁

五錢炒

麩糊為丸如菘荳大每服用清米飲下或二十

丸或三十丸量兒大小與之見有不能吞丸者

將丸研碎化入粥內服之亦可

歸耆湯

當歸身

三錢

黃耆

二錢
蜜炙

酸棗仁

一錢五
分炒研

白水煎服

歌曰 漿足身涼汗不止
惟有歸者酸棗是

養胃開痰湯

人參一錢 去蘆 白朮一錢五分 去土炒 白茯苓一錢 桔梗

五分 家蓮肉一錢 炒去心 山杏肉一錢 山藥一錢

炒 陳皮八分 去白 半夏五分 薑製 甘草五分 炙

生薑一片同煎溫服

灌漿時忌用木苓半夏恐其燥乾津液膿漿不行也至將瀝時可用矣

渴者去半夏加麥冬一錢 去心 北五味九粒 研碎

曰 茯苓甘草乾薑共 白芷防芎一處施

清表散毒湯

地骨皮一錢 麥冬一分 去心 花粉一錢 牛蒡

子八分 連翹七分 去心 當歸八分 猪苓七分

澤瀉七分 黃芩七分 甘草三分 生

水煎溫服

歌曰 清表散毒地骨冬 牛蒡花粉草翹宗
炒芩澤瀉猪苓共 歸與同煎用木通

消毒散血湯

牛蒡子錢 生白芍六分 桃仁一錢 炒研

壹參專心錄 卷十九 三 齋友堂

大黃

酒炒

乳香

五分燈心同研

沒藥

三分

紅花

酒洗

水煎溫服

歌曰

鑿時腹痛著中腕

消毒散血湯莫緩

炒過桃仁熟大黃

紅花沒乳芍牛上

清毒保目湯

柴胡

一錢

連翹

七分去心

梔仁

三分炒

黃芩

五分炒

荆穗

七分

防風

七分

赤芍

七分

牛蒡子

七分

炒研

蟬蛻

十二隻去頭足如有開

當歸

八分

甘草

三分

川芎

七分

升麻

五分

薄荷

五分

桔梗

八分

引用燈心五十寸

歌曰 清毒保目荷柴蟬
升麻牛子歸芎草

翹桔荆防赤芍綠
酒炒梔苓降火全

大連翹飲

此方內涼藥多俱要製過斟酌用

連翹

一錢去心

牛蒡子

七分炒研

山梔子

五分酒炒

柴胡

八分去蘆

當歸

八分

赤芍

七分

防風

七分

木

通

八分

荆芥

七分

黃芩

七分酒炒

滑石

五分末

蟬蛻

十二隻去頭足

車前子

八分炒

甘草

三分生

生薑一片同煎服

大便秘加酒炒大黃一錢微利之

歌

大連翹飲炒梔苓

柴滑荆防赤芍勻

曰通牛蟬蛻歸車草
便秘蒸黃著意尋

補中益氣湯
此方專治虛後元氣虛弱者

人參五分 黃耆一錢 白朮八分 柴胡五分

升麻五分 陳皮七分 歸身八分 甘草三分

生薑一片同煎溫服

虛渴者加麥門冬一錢去心五味子九粒研碎

寒熱似瘧者加炒白芍五分製半夏五分

歌曰 參耆歸朮

升陳柴草

元參升麻湯

元參 一錢

升麻 五分

防風 七分

荆芥 七分

牛蒡子 七分
炒研

甘草 三分
生 去皮

水煎溫服

有夾麻疹而出者加桔梗七分酒炒黃芩七分

同煎服

赤點紛紛號夾斑

如雲爨起又名丹

歌

碎碎紛紛名夾疹

三症分明在此間

升元湯草牛防芥

夾疹須知芩桔關

參耆實表湯
此方專治瘡作癩者

人參 五分
去蘆

黃耆 一錢五分
蜜炙

甘草 二分
蜜炙

官桂 三分

防風 七分

白芷 七分

川芎 七分

當歸 七分

桔梗 五分

南木香 三分

厚朴 五分
薑汁炒

生薑 一片同煎溫服

歌曰

參耆實表保元湯

官桂芎防芷朴當

甘桔木香薑作引

氣虛作癢賴安康

參歸大補湯

人參 五分

當歸 八分

蜜炙黃耆 一錢五分

五分

川芎

桔梗 五分

蜜炙甘草 三分

山查肉 八分

紫草茸 五分

研碎

南木香 三分

防風 七分

白芷

七分

厚朴 六分

薑汁炒

生薑一片同煎溫服

此方專治痘不起脹而面目頸項腫如瓜瓠此危症也急以此方連進二三劑治之必要腫消痘起方有生機

歌曰

參歸大補灸黃耆
桔梗山查防厚朴

紫茸川芎白芷宜
木香甘草用休遲

四聖膏

治痘疔聖藥

珍珠

生研

豌豆

燒存性

亂髮

燒灰

冰片

各等分

用油胭脂和成膏先將金銀簪撥開疔口將藥填入疔內卽紅活

拔毒散

此散治痘疔及破痘紫浮津其効如神

明雄黃

不拘多少研細末又將滾白水炮絲胭脂取濃

汁調點疔頭上

三莖漿

敷痘毒聖藥

黑莖

菜莖

赤小莖

各一合研爛為末用醋研濃漿時時以鷺翎掃

之紅腫退去其効如神

生肌散

地骨皮

黃連

炒

黃柏

炒

五倍子

生甘草

各等分

共為細末乾摻之

繇繭散

治餘毒流注各處出清水者

出蛾繇繭不拘多少用生明礬末填在內燒令汁

盡成灰為末乾摻之

髮灰散

治痘出水齊而鼻衄不止

用少壯無病人亂髮不拘男女用肥皂洗淨油垢

氣又用溫湯洗淨肥皂氣焙乾量髮多少用新瓦

礮一箇將髮填入內令滿用淨瓦片蓋口鹽和泥

封之又全封瓦礮曬乾用木炭火圍礮一半煨一

炷香久取出候冷其灰成塊研令極細每用二錢
童便七分酒三分調服立止輕者只用灰吹鼻亦

止

此方極妙不惟可用之痘瘡凡諸血症皆可用

清肺湯

花粉

一錢酒炒

麥門冬

一錢五分去心

天門冬

一錢去心皮酒蒸

桔梗

六分酒炒

當歸

一錢尾酒洗不用

生白芍

七分酒洗

黃

芩

七分酒炒

知母

七分蜜炒

丹皮

七分酒洗

甘草

三分生

生薑一片同煎服

人髮灰

一錢

調服尤妙

歌

毒氣薰蒸鼻流血

毒氣亦因從血泄

曰 天麥丹皮知母苓

當歸白芍花甘桔

清上飲

薄荷 七分

防風 七分

桔梗 六分

連翹 七分 去心

白粉葛 一錢

牛蒡子 七分

麥門冬 一分 去心

黃連 三分 酒炒

黃芩 七分 酒炒

花粉 八分 酒炒

甘草 三分 生

生薑一片同煎溫服

歌曰 口舌生瘡名熱毒

細察痘苗分所屬

清上荷防草麥牛

苓連花葛桔翹逐

赴筵散

薄荷葉 三錢 蘇州者佳

黃栢 五錢 川中者佳

豆麥專心錄

卷十九

醫備女堂

各等分爲末入青黛一分和勻搽之

利咽解毒湯

山荳根 五分

麥門冬 一分錢五分

牛蒡子 炒研一分錢

元參 一錢

桔梗 一錢

防風 七分

甘草 生五分

生薑一片同煎食後良久分二三起緩緩溫服

利咽解毒麥元參

歌曰

甘桔防牛山荳根

玉鎖匙

硼砂 一錢

朴硝 五分

殭蚕 三條

片腦 一分

共爲細末以竹管吹之

導赤散

木通 一錢

赤茯苓 八分

車前子 一錢微炒

麥門

冬 一錢五分

生地 一錢

人參 二分去蘆
可有可無

甘草 三分

燈心五十寸同煎饑時服

清毒撥醫湯

黃連 三分酒炒

當歸 一錢酒洗

花粉 七分酒蒸

桔梗 七分

川芎 七分

防風 七分

薄荷 七分

柴胡 八分

牛蒡子 七分炒

草決明 七分研

羌活 五分

甘菊

花 七分

蜜蒙花 七分

白蒺藜 七分研去刺

穀精

草 七分

川木賊 五分

生地黄 一錢五分

白粉葛

分七 山梔子 五分 酒炒

生薑一片同煎食後良久服

大便秘澁者加酒炒大黃一錢五分通仍除之

歌曰 清毒撥翳草連梔 牛賊蒙精決痰藜

生地羌防柴菊葛 川芎花粉荷當歸

諸虛百損

欲心五十...

多... 人參...

木... 車前子...

藥水

痘與疹避忌

避穢氣

腋下狐臭氣 房中淫液氣 行遠勞汗氣

溝糞濁惡氣 婦人經候氣 諸瘡腥臭氣

砒硫蚊烟氣 誤燒頭髮氣 吹滅燈燭氣

柴烟魚骨氣 葱蒜韭薤氣 煎炒油烟氣

醉酒葷腥氣 麝香燥穢氣

守禁忌

生人往來 詈罵呼怒 對梳頭 對搔癢

勿掃地 勿對荒言 勿使僧道師巫入房

小兒相法

欲知小兒壽夭當於相法推詳若夫富貴貧賤善惡窮通雖由祖父之積德累仁有以栽培善根而富貴通達隨之而至然能膺此福澤其形容氣質天資穎悟必有大過人者所謂天之報施不爽也 聲喜清
曉悠長最忌豺狼音韻聲如病貓不壽又喜聲如洪
鐘氣能接續 頭欲圓有骨格前天庭宜高聳日月
角宜峻峭兩傍頭角要崢嶸頭後枕骨分品字偃月
髮長宜稀而黑髮際宜高不宜低 五官宜正不
喜歪斜 人中宜深地角宜方而圓 眉喜清秀而

高眼喜黑白分明視瞻平正一身之精神全在兩
目決斷最嫌雞眼羊眼以及斜視上下露白更加昏
矇無神俱非吉兆耳愛有垂輪廓分明鼻喜端
正豐厚如垂膽如截筒口宜濶大切忌弔唇面
要豐滿大怕偏陷身肥胖不喜純見乎肉必要骨
格相稱且肥胖者肉宜緊密不喜如發麵模樣色雖
白必要帶些紫黑色身瘦削不喜脊骨稜崢必要
肉勝於骨腎囊宜緊細紫色如荔枝殼者壽寬大
白色者多疾又有看小便之法若小兒尿得遠且
又長此長壽之徵也若尿最近乃腎氣不充必不壽

手腕宜長手指宜纖手背宜厚足骨宜短足背
宜厚肩欲平正背脊及腰俱喜豐滿臍窩宜深
腹要下垂鼻梁不喜帶青色紅黃色最吉青色
主有疾兩口角宜朝上不宜平而向下男子八
個月長門牙女子七個月長門牙先長下牙者吉
凡男女能享長年良由幼小之時形容體格有以基
之斷非僥倖勉強而致之者矣

痘疹傳心錄卷十九終

余既刻朱濟川痘疹傳心錄因思種
痘一法得以預爲調理乘春秋之和
爽避冬夏之寒暑不使風寒外侵飲
食內積故其所施百不失一暇日流
覽醫書如赤水元珠張氏醫通間有
附載皆不甚詳茲見朱純嘏痘疹定

論彼以種痘知名官太醫二十五年
南自豫章以至鴨綠江北各隨土地
施治無不奏功其技妙入神矣此書
曾刊于康熙癸巳時年已七十八採
痂下苗諸法俱備有發前人所未發
并種法之不可少者悉照原本以付

劑劑附于痘疹傳心錄之後至于調
治用藥乃遵聶久吾活幼心法不出
朱濟川之範圍故不復採蓋種出者
與自出者同治耳讀是書者毋以兩
科歧視可也

乾隆丙午仲春瘦樵程永培志

卷之八

竹香堂

...



...